

Semina glabra, nigra; nigra, altera extremitate pallida.

Corolla alba.

Hæc quoad omnes partes, magnitudine bis vel ter superat præcedentem, hinc sat diversa est facie externa, situ foliorum &c.

3. CALCEOLARIA frutescens.

CAL. *Petianthium* pentaphyllum, *foliis* linearibus, acutis, erectis, fere conniventibus; persistens.

COR. *Petala* quinque, inæqualia, quorum *superiora* duo reliquis breviora, linearia, angusta; *lateralia* duo paulo longiora, latiora, lanceolata: unguis lineares calycis longitudine; *inferum* maximum, ungue lineari, calyce longiore; lamina subrotunda, plana ungue longiori; ante florescentiam utrinque involuta.

STAM. *Filamenta* quinque, linearia, brevissima. *Nectarium* glandula in Filamentis, inferius bipartita, subrotunda; exterius affixa. *Anthera* oblongæ, apice acutæ, membranulis oblongis, lateribus sæpius imbricatis.

PIST. *Germen* ovatum. *Stylus* filiformis, sursum incurvus, apice compresso. *Stigma* simplex.

PER. *Capsula* ovata, trigona, unilocularis, trivalvis, seminibus medio valvularum affixis.

SEM. plura, subovata.

Affinitate naturali proxima est *Viola*, uti ex toto caractere apparet; sed proprii Generis, licet facies externa Plantæ aliquantum recedat.

Calceolariam dixi ob figuram Floris.